



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. V. cap. 9. & 10. An Christus sibi meruerit?

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

modo probationes, quibus utitur Thomas, id quod vult, satis efficiant. Augustinum in specie eo in loco, non velle, Christum fuisse Mediatorem tantummodo ut homine, sed etiam ut hominē, NB. non modo ut Deum. Addit post aliqua, esse hanc Sententiam Sanctorum Patrum, qui vel hinc maximè præstantiam Mediatoris Christi commendent, quod naturam utriusque extremi, id est, Dei & hominum ipsa habuerit. Et iterum aliquibus interjectis repetit, ex communi & orthodoxâ Patrum Sententiâ dici debere, Mediatorem Christum fuisse non tantum ut hominem, non tantum ut Deum, sed conjunctim ut Deum & hominem. Insuper & illud post quædam obseruat, Quod si qui Patres Verbo Divino etiam ante, quam adsum-sisset humanam naturam, Mediatoris adpellationem tribuant, Mediatorem sic vocant, non quia Mediatoris munus obvierit ante Naturam adsumtam, sed quoniam aliquando certe Verbum Divinum id muneris in adsumtâ naturâ obitum erat. Tandem ubi ostendit, quo modo Christus ut Deus & homo conjunctim fuerit Mediator, scilicet, quatenus utraque Natura alio atque alio valuit modo ad ejus functionis efficaciam, denuo subjungit, hanc esse

Lib. 1. de Sententiam Patrum & maximè Augustini, inter alia hunc in modum scribentis: Id est Christus Mediator Dei & hominum dictus est, inter Deum immortalem & hominem mortalem, Deus & homo, reconcilians hominem Deo. Addo alium & que illustrem locum, à nullo citatorum, si recte memini, observatum, ubi Doctor augustus rotundè totum hoc explicat negotium: Ita inter Deum & homines Mediator adparuit, ut in unitate persona copulans utramque naturam, & solita sublimaret insolitus, & insolita solitis temperaret.

CAPUT NONUM ET DECIMUM,

De
QUÆSTIONE,*An Christus sibi etiam aliquid meruerit?*

Scribit quidem audacter Bellarminus, convenire Doctores apud Magistrum inter se, atque uno consensu docere, Christum præter ea bona, quæ suis laboribus peperit nobis, sibi etiam corporis gloriam & Nominis exaltationem meruisse; è Patrum antiquorum choro insuper addens Augustinum, hæc inter alia scribentem: *Humilitas claritatis est Meritum, Claritas humilitatis est premium.* At post alios, Radam in primis, non ita dudum obseravit Morandus, Veronenensis, Clericus Regularis, non convenire Doctores inter se, nec uno consensu idem docere. Hinc non tantum, ubi agit de potentia absoluta, vimirum an Christus potuerit mereri suam Beatitudinem, omnem Gratiam & Habitum omnes supernaturales, expresse nominat Pasqualigum hoc negantem & alios pro se Theologos citantem: Ragusæ in contrarium adfirmante & scribente, nullum id Theologorum negare, sed & ubi de facto hanc Questionem explicat, eamque adfirmando proponit, concedere cogitur, existimari contra communem apud Vasquezium, Saverium, Tannerum, Bacantum, Lugonem, alios, quorum instantiis in contrarium respondere conatur, quo cum successu, aliorum esto judicium. Quamvis autem de Gloriâ corporis & proprii Nominis exaltatione, de quâ in specie Bellarminus agit, nullum planè dubium superesse existimet, multum tamen falsus per ea, quæ laudatus Scotti Patronus Rada in hujus Questionis tractatione adducit, in primis ad Scottum Doctorem provocans, qui solus opinionem contrariam iuxta hodiernam Moralistarum procedendi methodum facere potest probabilem, si non omnino probabilissimam. Augustini autoritatem à Bellarmino laudata quod attinet, et si vocabulum *meriti* ab Eo adhibetur, adpositum tamen premii vocabulum ita illud temperat & emolliit, ut Augustinus *meritum* propriè & in rigore ita dictum intellexisse, vix ac ne vix quidem dici possit aut debeat, quod inferius porrò docebitur, ubi de operum bonorum Meritis erit agendi locus.

Appendicis loco ad Controversiam hancce tertiam non immerito refertur Quæstio de Fine incarnationis, cuius incidenter tantum Bellarminus mentionem facit in ultimo capite, de quâ actum quoque est in Vindictis Anti-Thomisticis, hic ideo non prætermittenda omnino, quia Augustini authoritas hic in primis vindicanda venit, quâ abundantur plurimum, qui in Scotti castris militant. Eminent inter recentiores hoc singulari studio agentes præ pluribus aliis Matthias Hauerius, ordinis Francisci, qui in Tomi posteriori Collationum Theologicarum parte priori sic format & proponit Questionem: *Quenam fuerit causa finalis, sine quâ non fuisset Incarnatio Filius Dei?* Ea autem ne videatur purè Scholastica, de quâ in utramque partem securè & absque præjudicio Veritatis orthodoxæ possit disputari, & quasi perinde sit, quam quis amplectatur Sententiam,

tiam, sic de eâ censet ac scribit: *Hac Controversia Scholastica tantum est momenti, ut ab ea dependeat tota series Doctrinae de Prædestinatione & Gratia Christi seu per Christum; in qua Thomas cum suis sustinet, redēctionem generis humani per debitam Satisfactionem fuisse causam finalē sine quā non Incarnationis, & Scriptura Sacra non solum tribuit illam huic causa finali, sed etiam soli, exclusis aliis, prout exponit Augustinus scribens:*

Si homo non periret, filius hominis non venisset. Et, *Nulla Christo causa fuit veniendi,* de Verb.
Apost. *nisi peccatores facere fabulos.* In resolutione ejus mentem suam sic exponit *Collator Scotificus:* *Incarnatio Filii Dei fuit absolutè intenta, decreta, prædestinata ante omnem & seqq.*

permissionem & prævisionem ullius peccati futuri vel non, ad majorem gloriam Dei & Christi, ex operis tanti perfectione, ut Christus esset caput omnium creaturatum, specialiter rationalium & tandem beatorum; sed ex permissione & prævisione peccatorum hominum fuit modisfata, qualificata, ordinata & relata ad eorum redēctionem per condignam satisfactionem in statu passibili & mortali. Hanc Sententiam probaturus è Scripturā, adducit primò locum è Sapienzia libro, ubi dicitur *invidia Diaboli Mors in cap. 2.* *troivisse in orbem terrarum*, hāc additā applicatione: Quid autem homini potuit invidere, nisi tantam Gratiam & gloriam unionis hypostaticæ, quam ipse potuit concipi scere ante omnem lapsum, videturque Augustinus id sèpius supponere, citatis aliquibus locis hanc in rem. Deindè provocat ad testimonium ex libro Proverbiorum, ubi Sapienza introducitur loquens sequentibus verbis, *Dominus possedit me initio viarum sua cap. 8.* *rum ante &c.* Subjungens, Augustinum sèpè hāc interpretari de *Incarnatione & Christo.* Præter hāc idem demonstrare laborat ex Sanctis Patribus, de quibus observat, quod quamvis, ut tota Scriptura Sacra & omnia Fidei Symbola, commendent & inculcent fidelibus Christi humilitatem & Charitatem, quā pro peccatoribus concipi, nasci, & Mortem Crucis pati dignatus est, nunquam tamen restringant Incarnationem Christi ad hunc solum finem sine quo non, *nisi Augustinus forte*, quem tamen hujus Controversiarum arbitrum ultrò suscipimus suspicimusque. Hujus rei causa ubi quædam ex Augustino adduxit, ita tamen generalia, ex quibus nullis extorqueas fidiculis, quod demonstrandum est, hāc porrò monuit de Eo, *quod nimis sèpius supponat*, Deum providisse & præposuisse huic Universo aliquam rationalem creaturam omni modo possibili impeccabilem, ne hoc quasi cardine hujus universi inverso totus orbis perturbaretur. Atqui, sic pergit & subsumit *Collator*, convincit recta ratio, nullam creaturam puram potuisse impeccabilem esse, multò minus præponi Christo. Ergò, sic concludit, ex hoc Augustini principio Deus ab æterno providit & præposuit Christum in caput & cardinem totius universi cuius solius impeccabilitate subsisteret, & per quem solum posset restituī, si ab ordine & fine debito deficeret. Idem *Augustinus* alibi commendat & inculcat summam illam Gratiam, summeque gratuitam, nec ullis comparabilem Meritis, quā Natura Christi humana fuit adsumta ad unionem hypostaticam, sine relatione ad ulteriore effectum & finem. Ergò, inquit iterum *Collator*, censet Augustinus, tam fuisse Gratiam à Deo intentam & decretam propter se, non autem ob solam redēctionem peccatorum. Idem porrò in opere contra Julianum & alibi sèpius profitetur, *omnia bona opera esse ad Deum referenda*, esseque meliora, quo perfectius referuntur ad Eum. Atqui, quætidem *Collatoris* est subsumtio, unio hypostatica est opus omnium optimum atque perfectissimum. Ergò Deus, qui *omnia operatur propter semetipsum*, Prov. 16. non potuit efficaciter illud velle & operari, nisi propter seipsum, quia solus Deus est finis melior unionis hypostatica. Idem prætereas sèpè proclamat, Christum esse caput & exemplar omnium electorum, comparans omnes simul, tam Angelos, quam homines unius corpori naturali vel politico, ex pluribus membris vel statibus eidem capiti aut Principi Christo subordinatis, non ut electo ab inferioribus, nec propter illos, sed à solo Deo, &c. Idem in *Retractionibus expresse supponit*, sine originali peccato nascituros fuisse homines usque ad certum numerum Sanctorum, quem Deus prædestinaverit; *item alibi supponit* aliquam secretam dignitatem eorum, qui vocantur, ex prædestinatione, ante massam peccatorum, ergò etiam supponit, quæ subsumtio & conclusio est *Collatoris*, prædestinationem humana Naturæ ad unionem hypostaticam in caput prædestinatōrum ante permissionem ac prævisionem originalis peccati. *His prolixius deditis*, ubi respondendum fuit ad objecta ex *Sententia Thomæ & sequacium*, præter pauca quædam, quibus Scripturæ dicta cludere conatus est, monuit expresse, *totam difficultatem esse de sensu Augustini*, quasi Christus alia de causa non venisset, nec venturus fuisset, ita scribens: *Augustinus non negat, Incarnationem fuisse futuram, sed, Christum ut JESUM fuisse*

86 Tomi I. Controversiæ II. De Christo, Lib. IV. Cap. X. & XI.

fuisse venturum in hunc Mundum, nisi ad salvandos peccatores. Nam Christus propriè significat Personam Naturæ Divinæ & humanae, sed Jesus significat Salvatorem seu officium salvandi peccatores. Aliud est etiam venire in hunc Mundum, quām incarnari; nam per hunc Mundum significatur status communis hominum mortalium. Non veniſſer ergo in hunc Mundum, seu ad hunc statum mortalem, nisi ad salvandos peccatores à misero statu culpæ & pœnæ. Nam ex vi unionis hypostaticæ humana Christi natura fuisset semper glorioſa corpore & animo, sed ſuspendit ſeu continuuit gloriam corporis ad salvandos peccatores. Et quia locus corporum ordinarius eft ſecundūm perfectiōneſ eorum, locus corporis Christi ut hypostaticè uniti proprius erat Cœlum potius, quam hic Mundus inferior, cūm ille fit locus, in quo beatificantur à Deo spiritus & anima in ſuis corporibus glorioſis. *Et poſt plura, Itaque ſingula Pauli, & ex Eo Auguſtini verba ſingulaſ conferunt reſponſiones. Christus, ergo ſupponit, futurum fuifte; IESVS, id eft, ut Salvator; non veniſſer, ullatenus ut viator; in hunc Mundum, id eft, in hunc statum & locum Mortalitatis & miseriæ, quia nec fuifſet (nimirum) Jesus, ſicut nec deſcendifſet in infernum, ſi nulli inde fuiffent salvandi, & tamen fuifſet incarnatus &c. Quia verò ſcivit opponi locum ex Enchiridio, ubi & alibi ſæpius ſupponit Auguſtinus pro certo, Deum non permittere ullum malum, niſi ad eliciendum majus bonum, unde videtur ſequi, Deum ergo non permifſurum fuifte ex Auguſtinii Sententia lapſum totius humanigeniſ, niſi ad bonum unionis hypostaticæ, quia non poſſit eſſe aliud bonum majus tanto ma-
lo; ideo respondit Collator, Deum (quidem) non permittere ullum malum, niſi ad majus bonum, ſed bonum cuiusvis Meriti & ſatisfactionis Christi majus eſſe malo culpæ & pœnæ Adami & totius posteritatis ejus. Atque haec tenus Collator ad hanc Quæſtionem quaſi ex Auguſtinii Sententiā, de cuius labore ſi candide licet promere judicium, videtur ludere in re feria, quam ipſe agnovit maximi eſſe momenti, de quā fundamentales depen- deant articuli. Diffidere autem videti poſſim Lectoris candidi & Veritatis ſtudioſi judi- crio, ſi prolixiū harum inanitatum ſuſcipereſ Examen, cum pleraque ita ſint compa- rata, ut quivis Auguſtinii ex oraculis Scripturæ Sententiā ritè percipiens facilē poſſit ani- madvertere, quam perverſe omnia hic agantur, & quam peregrina mens uplurimum Doctori Sancto adſingatur. Fontes reſponſionum ē ſectatoribus Thomæ largiter poſt alios nuper ſuppeditavit Ioh. Baptiſta Gonetus, in quaſo Clypei Theologia Thomistica contra novos ejusdem impugnatores Tomo, ſimil exhibens locum ex Auguſtinio, qui Scoti Sententiæ videtur favere, quem à Collatore prætermiſſum eſſe miror, additā tamen ſuffi- cienti explicatione. Eſt autem deſumptus ex opere de Nuptiis & Concupiſcentia, ubi docet*

L. I. c. 21. Auguſtinus, Matrimonium in ſtatu Innocentia ſignum fuifſe atque Sacramentum conju- nctionis Christi cum Ecclesia. Ergo, quod ſequi videtur, exiſtimavit Auguſtinus, Chri- ſtum nullo exiſtentie peccato venturum, aliaſ Sacramenti ſignificatio tunc vera non fuifſet. Ad hoc teſtimonium dicit, plures ē Thomiſtis quidem respondere, Auguſtinum velle, ſolum in illo ſtatu conjuſtione Viri & fœminæ ſignum fuifſe conjuſtione Christi cum Ecclesia, non actualiter, ſed aptitudinaliter, id eft, aptitudinem habuiſſe ad talem ſignificationem. Sed quia haec interpretatio ei non videtur ad mentem Auguſtinii, ideo ſubjugit, melius responderi juxta Auguſtinum, Matrimonium in ſtatu Innocentia ſignum quidem de facto ſignum conjuſtione Christi cum Ecclesia, ex eo tamen non ſequi, Christum Adamo non peccante venturum, quia licet bonitas praedictæ ſignificationis perfeclè conveniret Nuptiis ante peccatum Adami auctu perpetratum, non tam- men ante præſcientiam & decretum illius permiſſivum. Fuit enim, inquit, Matrimoniū a Deo iuſtitutum conjuſtione Christi cum Ecclesia ſignum, in ſigno poſteriori poſt peccatum præviſum; nam in priori ſolum fuit iuſtitutum in officium naturæ. Num haec etiam reſponſio ſufficiat, aliorum eſto judicium. Satis autem hoc eſſe poſteſt, ut Scotista Auguſtinii authoritatem eripuerit Thomista, qui de cetero, ut monui, in hujus Quæſtio- ni discussione prolixiſſimā ad communioris Sententiæ deſcenſionem ea adnotavit, quæ ad hominem diſputanti quam maximè iuſſerviunt, imo contra eos etiam, qui non præte- rito tantum Seculo, ſed & hoc ipſo inter Scoti tenebras verſari, ad minimum dubitare, quām certi quid adſerere, tanquam de Quæſtione problematica, maluerunt; ut raceam 1007. & Socini & ſequacium errores, quibus itidem libuit, has Scholasticorum quorundam ſub- ſeqq. tilitates ſibi comunes facere, ut habeant quid ſingulare contra receptam in Ecclesia ex authoritate Biblicā Sententiam, quod in aliis etiam pluribus Fidei Christianæ capitibus, cum ipsius fundamenti laſtione, imo plenaria ejusdem concuſſione ſunt conati.

Contro-

Vid. Ca-
llor. Har-
mon pag.
1007. &
seqq.